



Icyegeranyo cy'amakuru y'imikino yaranze icyumweru

2023

Taliki 10- 12 Ugushyingo



P.1 Kung Fu Wushu : Hasojwe shampiyona y'igihugu ya 2023

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

Kung Fu Wushu: Hasojwe shampiyona y'igihugu ya 2023

P2

NPC: Hatangiye shampiyona y'umukino wo guterura ibiremereye mu bantu bafite ubumuga

P2

Wheelchair Basketball : Habaye imikino y'umunsi wa kabiri wa shampiyona

3

Volleyball : APR VC na Police VC zegukanye irushanwa ryo gushimira abasora neza

Kung Fu Wushu: Hasojwe shampiyona y'igihugu ya 2023

Taliki 12 Ugushyingo 2023 ni bwo hasojwe shampiyona y'igihugu mu mukino wa Kung Fu Wushu "Rwanda Kung Fu Wushu Championship 2023".

Iyi mikino yateguve n'ishyirahamwe ry'umukino wa Kung Fu Wushu mu Rwanda "RKWF" ryatangiriye mu Ntara zose aho habaye imikino y'amajonjora maze hatoranywa abagomba guhatana ku rwego rw'igihugu, irushanwa rikaba ryarabereye muri STECOL mu cyanya cyahariwe inganda i Masoro.

Abakinni bitabiriye bagera kuri 51 bahatanye mu byiciro bibiri ari byo kurwana "Sanda" ahahatanye abakinni 24 n'abahatanye mu kwiyereka "Taolu" bagera kuri 27.

Mu bakinni bitwaye neza mu kurwana "Sanda" hari Nyampeta Emmanuel wakinnye mu bari munsi y'ibiro 57, Hagenimana Aimable mu bari munsi y'ibiro 62, Mugisha Emmanuel mu bari munsi y'ibiro 67, Rwibutso Jean Claude mu bari munsi y'ibiro 72, Muvunyi Emmanuel mu bari munsi y'ibiro 77 na Muvunyi Jean de Dieu mu bari munsi y'ibiro 82.

Mu ciciro cyo kwiyereka "Taolu", Intara y'lburasirazuba ni yo yegukanye igikombe nyuma yo kwegukana imidali 17 naho Umujiyi wa Kigali wegukana imidali 10.



NPC: Hatangiye shampiyona y'umukino wo guterura ibiremereye mu bantu bafite ubumuga

Taliki 11 Ugushyingo 2023, kuri Sitade Ubworoherane mu Karere ka Musanze hatangiye umwaka w'imikino muri shampiyona y'umukino w'abaterura ibiremereye mu bantu bafite ubumuga "Para Powerlifting Championship 2023-2024".

Kuri uyu munsi wa mbere hitabiriye amakipe 4 ari yo Musanze, Rubavu, Rwamagana na Nyarugenge.

Mu cyiciro cy'abagabo, Rutayisire Jean Marie Vianney ni we witwaye neza aho yateruye ibilo 140 naho mu bagore, Uwitije Claudine yitwara neza aterura ibilo 60.

Umunsi wa kabiri wa shampiyona uzakinirwa i Rubavu taliki ya 27 Gashyantare 2024.



Wheelchair Basketball : Habaye imikino y'umunsi wa kabiri wa shampiyona

Taliki 12 Ugushyingo 2023 habaye imikino y'umunsi wa kabiri muri shampiyona y'umukino wa Basketball y'abantu bafite ubumuga "Wheelchair Basketball Championship 2023-2024" mu bagore n'abagabo.

Iyi shampiyona yitabiriwe n'amakipe 6 mu bagabo ari yo Gasabo, Kicukiro, Bugesera, Musanze, Eagles na Indangamirwa naho mu bagore hari Kicukiro, Gasabo na Move Dream.

Uko imikino yagenze

Abagabo

- Bugesera 12 – 35 Kicukiro
- Eagles 28 – 04 Gicumbi
- Gasabo 10 – 20 Musanze
- Kicukiro 28 – 14 Gicumbi
- Gicumbi 09 – 17 Bugesera
- Gasabo 12 – 16 Indangamirwa
- Bugesera 08 – 20 Eagles
- Indangamirwa 04 – 19 Musanze
- Kicukiro 19 – 30 Eagles

Abagore

Kicukiro 12 – 08 Gasabo

Move Dream 00 – 18 Gasabo

Kicukiro 16 – 02 Move Dream



Volleyball : APR VC na Police VC zegukanye irushanwa ryo gushimira abasora neza

Taliki 11 na 12 Ugushyingo 2023, ishyirahamwe ry'umukino wa Volleyball mu Rwanda "FRVB" ku bufatanye n' Ikigo cy'lmisoro n'Amahoro "RRA" habaye irushanwa ryo gushimira abasora neza "Taxpayers Appreciation Volleyball Tournament 2023".

Iri rushanwa ryari ribaye ku nshuro ya 3 ryitabiriwe n'amakipe 4 mu bagabo ari yo APR VC, Police VC, Kepler VC na EAUR VC naho mu bagore hitabira amakipe 5 ari yo Ruhango VC, IPRC Kigali, Police VC, APR VC na RRA VC.

Mu bagabo ikipe ya APR VC yegukanye igikombe itsinze Kepler VC amaseti 3-2 (36-34, 16-24, 21-25, 25-23, 15-13). Ikipa ya Police VC ni yo yegukanye umwanya wa 3. Mu bagore, ikipe ya Police VC yitwaye neza itsinda RRA VC amaseti 3-1(25-19, 21-25, 25-19 na 27-25). Ku mwanya wa 3 hasoreje ikipe ya APR VC.

Ikipa ya mbere mu byiciro byombi, APR VC na Police VC zahawe igikombe na miliyoni 2, izabaye iza kabiri, Kepler VC na RRA VC zihabwa miliyoni 1.5 naho iza gatatu, Police VC na APR VC zihabwa miliyoni 1.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave